



# ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ № Վ- 31/10

## «ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

« 9 » 01 2023թ.

### 1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի առևտրի և ծառայությունների վարչության աշխատակից Ն. Պողոսյանի կողմից 21.10.2021 թվականին հայտնաբերվել է իրավահարաբերության ծագման պահին գործող խմբագրությամբ Վարչական իրավախախտումների վերաբերյալ օրենսգրքի (հետայսու՝ Օրենսգրք) 169.16-րդ հոդվածի 1-ին մասով նախատեսված վարչական իրավախախտում, մասնավորապես «Կարարա» սահմանափակ պատասխանատվությամբ ընկերության տնօրեն Արման Ֆրիկի Կարապետյանի կողմից Երևան քաղաքի Մոսկովյան փողոցի հ. 6 հասցեում, առանց համապատասխան թույլտվության իրականացվել է ոգելից խմիչքների իրացում, որի վերաբերյալ 29.11.2021 թվականին կազմվել է վարչական իրավախախտման վերաբերյալ թիվ 040423 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին է լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հարուցված վարչական վարույթի շրջանակներում 24.01.2023 թվականին գործի քննությանը ներկայացավ «Կարարա» սահմանափակ պատասխանատվությամբ ընկերության տնօրեն Արման Ֆրիկի Կարապետյանի ներկայացուցիչ Էդվարդ Ծատուրյանը (AR 0411317 տրված 008-ի կողմից): Վերջինս վարչական մարմնին բացատրություն տվեց այն մասին, որ ընդունում է իրավախախտումը: Ըր վստահորդի նկատմամբ առաջին անգամ է քննվում վարչական պատասխանատվության ենթարկելու հարց:

«Կարարա» սահմանափակ պատասխանատվությամբ ընկերության տնօրեն Արման Ֆրիկի Կարապետյանի ներկայացուցիչ Էդվարդ Ծատուրյանի կողմից գործի քննությունն իրականացնող իրավասու պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

### 2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, ընկերության պետական գրանցման վերաբերյալ տեղեկատվությունը, ՀԴՄ կտրոնի պատճենը, լիազորագիրը և իրավախախտման հայտնաբերման պահին կատարված լուսանկարը:

### 3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ 21.10.2021 թվականին «Կարարա» սահմանափակ պատասխանատվությամբ ընկերության տնօրեն Արման Ֆրիկի Կարապետյանի կողմից Երևան քաղաքի Մոսկովյան փողոցի հ. 6 հասցեում, առանց համապատասխան թույլտվության իրականացվել է ոգելից խմիչքների վաճառք:

«Կարարա» սահմանափակ պատասխանատվությամբ ընկերության տնօրեն Արման Ֆրիկի Կարապետյանի կողմից թույլ է տրվել Օրենսգրքի 169.16-րդ հոդվածի 1-ին մասով նախատեսված վարչական իրավախախտում:



Հաշվի առնելով «Կարարա» սահմանափակ պատասխանատվությամբ ընկերության տնօրեն Արման Ֆրիկի Կարապետյանի ներկայացուցիչ Էդվարդ Մատուրյանի կողմից տրված բացատրությունները և այն, որ «Կարարա» սահմանափակ պատասխանատվությամբ ընկերության տնօրեն Արման Ֆրիկի Կարապետյանի կողմից առաջին անգամ է թույլ տրվել 169.16-րդ հոդվածի 1-ին մասով նախատեսված իրավախախտում, ինչպես նաև նկատի ունենալով, որ թույլ տրված իրավախախտման արդյունքում էական հետևանքներ չեն առաջացել ու տուժողներ չկան, ուստի առկա է վարչական իրավախախտման համար պատասխանատվությունը մեղմացնող հանգամանքը:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոստնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Իրավահարաբերության ծագման պահին գործող խմբագրությամբ Օրենսգրքի 169.16-րդ հոդվածի 1-ին մասի համաձայն՝ առանց թույլտվության ոգելից խմբիցների և (կամ) ծխախոտի արտադրանքի վաճառք իրականացնելը, իսկ հանրային սննդի օբյեկտներում՝ ոգելից խմբիցների և (կամ) ծխախոտի արտադրանքի իրացում իրականացնելը՝ առաջացնում է տուգանքի նշանակում պաշտոնատար անձի նկատմամբ սահմանված նվազագույն աշխատավարձի քսանապատիկից մինչև հիսնապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 33-րդ հոդվածով, 169.16-րդ հոդվածի 1-ին մասով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 30.05.2022 թվականի թիվ 1986-Ա, 25.07.2022 թվականի հ. 2703-Ա որոշումներով՝

**ՈՐՈՇԵՑԻ**

1. «Կարարա» սահմանափակ պատասխանատվությամբ ընկերության տնօրեն Արման Ֆրիկի Կարապետյանին Օրենսգրքի 169.16-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 20.000 ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսույն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ  
ՎԱՐՉԱԿԱՆ ԻՐԱՎԱՆԱԽՏՈՒՄՆԵՐԻ  
ՎԵՐԱԲԵՐՅԱԼ ԳՈՐԾԵՐԻ ՔՆՆՈՒԹՅԱՆ  
ԲԱԺՆԻ ՊԵՏ՝



ԶԱՎԵՆ ՍՄԲԱՏՅԱՆ